

Saunia e Alelie Coronel-Camitan
(E faavae i se tala moni)

O leni tala sa tupu i Filipaina.

Ao savali atu Marius i lona fale, sa mafai ona ia logona atu ni tagata o talanoa mai totonu. Sa ia autilo atu i le faamalama.

Po o ai o loo ii, o ona mafau-fauga ia. Sa nofo lona tina i se isi atunuu mo galuega, e masani lava la e na o ia ma Lola (Tinamatua) i le fale.

Sa ia tatalaina le faitotoa. Sa i ai uma ana uo iina!

“Faateia!” sa latou fai mai ai.

“Sa matou mananao e patipatia oe ma le pine na e maua i lau tauvaga Taekwondo,” o le tala lea a Iose, le uo mamae a Marius.

“E ese lo’u mimita ia te oe.” Sa oomi e Lola ia Marius i se opo lapoa. “O lou tina o loo i luga o le telefoni! Ou te mautinoa na te fia faalogo i mea uma e uiga i lau pine.”

Ina ua uma ona talanoa Marius ia Tina, sa fiafia o ia ma ana uo i



le patī. Sa latou fiafia e talanoa ma aai i meaai mananaia a Lola.

“E te manao ta te o ta te faataavale polo taeao?” Sa fesili atu ai Iose a o lei aluese atu o ia.

“Ioel!” Sa fai atu ai Marius.

I lena po a o lei moe, sa fai se tatalo a Marius. “Le Tama Faalagelagi, faafetai i Lau Afio mo le aumaia ia te d’u o ni uo ma se aiga maoae. Faamolemole faamanuia lo’u tina a o mamao ese o ia. Ma faamolemole faamanuia ia te d’u

ia ou maua le fiafia e faataavale polo ma Jose taeao.

Ae o le aso na sosoo ai, sa lei alu ai Marius e faataavale polo. Na tetele timugaafā, ma sa tatau i tagata uma ona nonofo i totonu. Sa nofo Marius i le fale, ma faalogo logo i le timu o pā’o i luga o le taualuga. Sa moomoo o ia maimau pe ana mafai ona vaai ia Iose.

Mo aso e tolu, sa timuga pea. Sa lolovaia auala i le vai. Sa lolovaia foi nisi o fale i le pitonuu o Marius.

Mulimuli ane sa maua e Marius ia Lola i le umukuka. Sa ia kukaina se mea na manogi manaia.

“O le a lau kuka o fai?” o lana fesili lea.

“O loo ou faia ni meaai mo nisi o aiga o le tatou uarota,” o lana tala lea. “Sa lolovaia o latou fale, o lea na fai mai ai le epikopo ia te au e fesoasoani atu.”

Sa mafaufau Marius ia Iose. “E mafai ona ta faia se meaai mo le aiga o Iose? Atonu latou te manao-mia foi se fesoasoani.”

O se manatu lelei tele lena!” na fai atu ai Lola.

Sa kuka e Marius ni araisa ma falai fuamoa mo Iose ma lona aiga. Ona ia fesoasoani lea ia Lola e teu meaai.

Mulimuli ane, na uma le timu. Sa o atu Marius ma Lola i magaalā e tiliva meaai. Na oo le vai i tulivae o Marius!

Sa laua maua atu Iose ma lona aiga o tutu i fafo o lo latou fale. Sa tagi Iose.

Sa fusi e Marius lana uo. “Talofa e, ua lolovaia lou fale,” o lana tala lea. “E alofa Iesu ia te oe. Ma te alolofa foi ia te oe.”

Sa fesoasoani faatasi Marius ma Iose e faamama mea palapalā i le fale o Iose. Sa usuina e Marius le “O Au o se Atalii o le Atud” a o latou galulue. Ina ua latou malolo,

sa avatu e Marius ia Iose meaai sa ia faia mo ia.

“Faafetai mo le fesoasoani i lo’u aiga,” o le tala lea a Iose. “Ma faafetai mo meaai! E ese le manaia.”

“E le afaina,” o le tala lea a Marius.

“E te manatu e mafai ona e faamatala atili mai ia te au e uiga ia Iesu? Ma le pese sa e usuina?” na fesili atu ai Iose.

“Ioel!” Sa fai atu ai Marius. “E te manao ta te o i le lotu i le Aso Sa? O iina ou te aoso ai e uiga ia Iesu. Ma e mafai foi ona ta pepese faatasi ai.”

“Ua lelei la,” na fai atu ai Iose.

Sa lagona e Marius le mafanafana i lona loto. Sa fiafia o ia ona sa mafai ona ia fesoasoani ia Iose ma lona aiga. Ma sa fiafia o ia sa mafai foi ona ia faasoa atu le talalelei. ●

ATA NA TUSIA E JAMIE BALIZA



LOLOVAIA I LE ALOFA